

QVOD LIBETARIIS DISPUTATIONIBVS EXCVTIENDA

in Scholis Medicorum, die Iouis 24. Nouembris. M. Nicolao Henault
Doctore Medico, moderatore prudentissimo.

An Epilepsia Cranium humanum.

ARTIS Medicæ principium, Morborumque medicatrix, Natura, omnia à se docta, ex seque ipsa discens, corporis organici partes ita finxit perfectitque, vt ipsæ citra doctrinam proprias aggredierentur actiones: Quod si contingat ipsas aliquando vitari, aduersus instantes causas ita insurgunt, vt vel omnino succumbant vel libentur. Hoc videre est in Cordis, partium nobilissimæ, palpitacione, in quâ vehementi diastoles, & sistoles, motu, nititur Cor noxium à se expellere: hoc in Pulmone, & partibus thoracis, tussi, in ventriculo, singultu, & vomitu, in Cerebro, sternutatione, sed longè euentius cum in epilepsia, non solum ipsum, sed & totum corpus, ad noxiæ materiæ expulsionem, concutitur.

HOC formidandum, actionum expellentium, & motuiarum symptoma, Antiquioribus *iepa vros* dictum, crebra est, eaque periodica, totius corporis, cum mentis, & sensuum læsione, deprauata actio: quæ à conuulsione, sicut à motu conuulsuo, & omnibus capitis frigidis affectibus distincta, causam habet inter acutos simul & diurnos connumeratam affectus. Duplex ea est, per efferentiam altera, altera per consensum: Vtrique causam suæ generationis agnoscens materiam quamlibet aut copiam, aut qualitate, acriter quodammodo & mordaci, facultatem irritantem, quæ vehementes hos motus conciter: mitior illa, sed periculosior: hæc toleratu multò grauior, sed securior existit.

PORRO affectus hic repente inuadens, prægressis, capitis grauite, aut atroci dolore, sensuum, mentisque stupore, & tarditate, frequenter sternutatione, vel oscitatione, saliuæ copiam, faciei pallore, linguam in sermone perplexam, in somniis turbulentis, procliuitate ad iram, & facili rerum obliuione, cardiogmo, nausæa, & animi defectione innouescit. Vtrique Sexui familiaris, viros tamen, sæpius quàm fœminas alter, pueros, quàm senes vterque facilius inuadit, ab illo tamen immunes euadunt, quibus in capite vlcera vel pustulæ oriuntur, vel nares, auresque fluunt. Sic quartana febre correpti à magno morbo liberantur, quamuis melancholici facili fiant Epileptici, & contra. Huic finem adferunt, pueris, mutationes ætatis, temporum, locorum, atque diætæ. Quod si *curatio* fuerit, vix aut nunquam sanaturus: ultra vigesimum quintum annum prorogetur, ad mortem fere comitatur, nisi febris superueniens huic morbo remedio sit.

INSTRUMENTA per quæ Medicus operatur, Similia sunt & Contraria: Instrumentorum materia Diætæ, Chirurgia, Pharmacia: his tribus ad Epilepsie curationem, citò, tuto, & iucundè, efficiendam commodè vtetur Medicus, sumptis à causâ, & parte affectâ curationis indicationibus, quæ omnia cum satis superque nota sint & manifesta, quid est quod derelictis consuetis, & qualitate manifestâ agentibus, remedijs, ad occultâ, quod aiunt, proprietate agentia, pœoniæ radices collo suspensas, & semen decrecente Lunâ collectum, viscum quercinum, Leporis coagulum, Cuculi cineres, Cranium humanum, ossa humana nescientibus data potui, cornu Alces, oleum de gagate, & multa ciusmodi magno nostro dedecore & ægrorum damno, reiectâ rationali remediorum inuentione, Empyricorum more recurramus?

IGITUR rectâ cum ratione curanti, paroxysmo correptus ab eo protinus liberandus, huicque tam sæuo symptomati, neglectis causâ & morbo, prouidendum: æger itaque calido & lucido loco collocandus, capite paulò sublimiore, ex quo extensa membra supernè deorsum confricentur, & dolorifice vinciantur, os constrictum diducatur, spuma detergeatur, acres tui balani, tui clysteres subiciantur, puluisculus ex leucopipere, & Elleboro albo, naribus infusetur ad sternutamentum, palatû hierâ, mitridatio, theriacâ, cum succo ruthe, pennâ vel linteo lofricetur. Sedato paroxysmo roboretur cerebrum, recursus prohibeatur, præparando, atterendo, & materiam extirpando, alterantibus, vacuantibus: Vniuersalibus, particularibus. Diætâ, simili, temperatâ, contrariâ, Chirurgiâ, quæ ferrum, flammam, vincula adhibeat; Pharmaciâ, quæ pro ratione affectus primigenij vel per consensum, ex generatione, vel aliunde labe contractâ, in lactantibus, vel ablactatis, pueris, adolescentibus, haud expectatis ætatis auxilijs, reliquisque remedia suppeditabit.

Non Ergo Epilepsia Cranium humanum.

Afferebat GUILLELMVS DESDAMES Rothomagensis Anno 1611.

DOMINI DOCTORES DISPUTAVRI.

M. Henricus Blacuod. Med. Reg.
M. Gabriel Biard.
M. Ioannes Desgorris.

M. Renatus Chartier. Med. Reg.
M. Franciscus Placet.
M. Andreas du Chemin.

M. Ioannes Beau-chefne.
M. Ioannes Haultm. Med. Reg.
M. Henricus Blacuod.